



欽定歷代職官表

11

7保
4514
21



撫兼管委松
 太道監收
 許墅關一人以蘇州織
 淮安宿遷關一人以內務
 簡充揚關一人以江蘇巡撫兼管委
 龍江西新關一人以江蘇織
 鳳陽關一人以廬鳳
 蕪湖關一人以安徽巡撫兼管委
 江西九
 江關一人以廣饒南
 贛關一人以江西巡撫兼管
 福建海關一
 人以福州將
 閩安關一人以福州同知監收
 浙江海關一人以
 撫兼管委監
 南北新關一人以杭州織
 湖北武昌廠一人荆關
 一人以巡撫兼管
 四川夔關
 一人以總督兼管委
 打箭鑪一人同知
 廣東海關一人以內
 州府知府兼收
 廣西梧州潯廠各一人以巡
 簡充太平關一人以巡撫兼管委
 各知府監收
 管委梧州潯州
 掌於水陸衝會之地設官置吏頒其治禁以安行旅以通

財賄爰繫之稅以便調幾以佐

國家經費凡權百貨者為戶部分司權竹木及船鈔者為工
 部分司必行商大賈挾貨殖以牟利者乃譏而徵之物
 有精麤直有貴賤利有厚薄各按其時地以定應徵之數
 遵部頒科條刊示木榜俾商賈咸知而吏不能欺其有藏
 匿姦匪私冒越渡及漏應稅之物者俱論如法監督以一
 歲報滿則條析經徵之數具疏專達其隸督撫總理者歲
 周疏報亦如之皆以冊達部部受其要而會之定其殿最
 以
 聞初制關稅各差皆以戶工二部司員充之尋改差六部司員
 又改歸地方官管理嗣後隨時斟酌改定或

特簡京員或由部院司員掄選引

見除授或歸督撫總理或以將軍織造鹽政兼理京差由部疏

請或更代或畱任候

旨遵行由督撫等兼管者期滿奏明接管皆因地制宜永為恆

式焉

歷代建置

三代

周禮天官大宰以九賦歛財賄七日關市之賦賈公彥疏

謂關上以貨出入有稅物市若泉府廛布總布之等亦有

稅物

周禮地官司關上士二人中士四人府二人史四人胥八

人徒八十人每關下士一人府一人史二人徒四人掌國

貨之節以聯門市司貨賄之出入者掌其治禁與其征廛

凡貨不出於關者舉其貨罰其人凡所達貨賄者則以節

傳之鄭康成注傳如國凶札則無關門之征猶幾凡四方

之賓客敬關則為之告有外內之送令則以節傳出之

國語周語周之秩官有曰敵國賓至關尹以告

謹案賈公彥周禮疏以關尹即司關然司關掌國貨之

節而關尹祇主賓客則其職有繁簡之殊顏師古漢書

注以關尹即關吏蓋每關有下士關尹乃下士之職也

周禮地官司市下大夫二人上士四人中士八人下士十

有六人府四人史八人胥十有二人徒百有二十人掌市

之治教政刑量度禁令凡治市之貨賄六畜珍異亡者使
有利者使阜害者使亡靡者使微鄭康成注司廛人中市
市市官之長二人下士四人府二人史四人胥二人徒二十人掌歛布
紵布總布質布罰布塵布而入於泉府

謹案門關之制首見於周禮司關國貨有節出入有司
治禁有掌不出于關者有罰正與今日關稅之政相仿
其屬之於地官則如今各直省監督之受成於戶部矣
至於九賦歛財賄七日關市之賦實以大宰掌之則如
今崇文門正監督之必以大臣
簡充誠慎重其職掌也直省各關治關而不治市其市賈牙
稅皆以守土之官領之唯

京師左右翼監督則八旗田房驗契鈐印及牲畜之陳於
衢市者皆要其成其制亦以大臣

簡充是兼有周家司市廛人之職於大宰關市之賦九相合
也考歷代司市市令之制官秩本微如今順天府通判
之專管牙稅頗為近之故既著於順天府篇而監督職
掌所係亦復相似因並係之於表且互證其說焉

江永周禮疑義舉要廛人所掌質布蓋償質劑之布也古
未有紙大券小券當以帛為之交易以給買者而賣者亦
藏其半質劑蓋官作之其上當有符印是以量取賣買之
泉以償其費猶後世契紙有錢也

惠士奇禮說司關掌國貨之節以聯門市其法管子行之

於齊征於關者勿征於市征於市者勿征於關此司關聯
門市之法也自外入者征於關關移之門門移之市所謂
征於關者勿征於市也自內出者征於市市移之門門移
之關所謂征於市者勿征於關也若自內而不由於市自
外而不出於關然後舉而罰之

謹案兩翼監督有田房契尾之稅今考江永周禮說則
契尾之稅亦本於廛人之質布蓋質劑之交易不可不
領之於官與夫司市治六畜則正衢路牲畜有稅之類
皆因事制宜昭信定業而惠商裕民之意寓其中矣又
考周禮地官十人掌金玉錫石之地而爲之厲禁以守
之後世金官鐵官坑冶諸使並治其制我

朝礦課領於有可以時開閉不設專官亦不列關稅之課
益物土宜而寬民力迥非前代所能及矣

秦

漢書百官公卿表關都尉秦官

漢

漢書武帝紀太初四年徙宏農都尉治武關稅出入者以
給關吏卒食

史記義縱傳寧成家居上拜成爲關都尉

漢書張敞傳出爲函谷關都尉

漢書百官公卿表京兆尹屬官有長安市令丞

後漢書光武紀建武九年省關都尉十九年復置函谷關

都尉

後漢書陰識傳封陰鄉侯以為關都尉鎮函谷

劉昭後漢書志注漢官曰市長一人秩四百石丞一人二

百石

謹案前漢都長安所置關津以函谷關為重地太初始

設關稅以後尤重都尉之選自張敞而外見於漢書者

霍光以丞相田千秋弟為關都尉黃霸子賞嗣侯爵為

關都尉與夫何恢翟宣並係世臣子弟後漢陰識以勳

咸通侯出典斯職厥制尤重今崇文門監督

特簡大臣典司其事實與古制相符至洛陽市令雖品秩卑

小不與今之左右翼相近而職事相同故節取而列於

篇中至漢初令賈人不得乘車衣絲重租稅以困辱之

誠所以敦本抑末勸民為農也其後至武帝元光六年

初算商賈則商賈車船有稅矣元符四年初算緡錢則

凡有緡錢者皆稅矣至於告緡徧天下以上皆見史記雖不為

商賈者胥被其害而關稅之重取橫斂有不待言者此

漢代之糶政非復立關置權之本意也

三國

唐六典注後漢河南尹屬官有洛陽市長丞魏因之

晉

晉書職官志侍御史有十三曹江左置庫曹掌廩牧馬牛

市租

謹案晉以侍御史掌雜稅後世設巡關御史實防於此
蓋以御史職司風憲可以譏察非常平均出入故慎重
其選也然京員奉使權關誠得恪守恆制委任得人則
裕商便民之政足與守土之規相參並舉而如期更代
較若畫一亦於考成之法有裨豈必專使御史崇其虛
名哉明代專重御史尙空言而不求實效寢成黨援卽
出使一端可見乃晉氏已肇其端參考古今知未足爲
常制也

鄭樵通志諸市署東晉則丹陽尹管之

馬端臨文獻通考稅契始於東晉

宋齊梁陳

宋書百官志庫曹掌廩牧牛馬市租

唐六典注宋齊諸市署隸丹陽尹梁始隸大府陳因之

杜佑通典自東晉至陳西有石頭津東有方山津各置津
主一人賦曹一人直水一人以檢察禁物及亡叛者荻炭
魚薪之類出津者並十分稅一以入官淮水北有大市自
餘小市十餘所備置官司

文獻通考晉自過江至於梁陳凡貨賣奴婢馬牛田宅有
文券率錢一萬輸估四百入官賣者三百買者一百無文
券者隨物所堪亦百分收四名爲散估歷宋齊梁陳如此
以爲常以人競商販不爲田業故使均輸欲爲懲勵雖以
此爲詞其實利在侵削

謹案商稅之設於稽查征權之中寓崇本抑末之意不使田作之民專輸賦稅誠所以劑食貨之平也然必行商大賈挾重資以牟利者始在稅征之列至於尋常貨賣民生日用之資乃無論其文券之有無而概從而征之此江左苟且一切之弊政宜其見譏於前志也

北魏

魏書官氏志京邑市令從五品中

文獻通考後魏明帝孝昌二年稅市入者人一錢其店舍又爲五等收稅有差

北齊

通典北齊黃門侍郎顏之推奏請立關市邸店之務開府

鄧長顓贊成之

後周

冊府元龜北齊司州牧領東西市署令丞
唐六典後周司市下大夫一人

文獻通考後周閔帝初除市門稅及宣帝卽位復興入市之稅每人一錢

隋

隋書百官志關置令丞官屬立三等之差

唐六典煬帝二年改市令隸太府寺京師東市曰都會西市曰利人東都東市曰豐都南市曰大同北市曰通遠
隋書百官志司農寺屬官京市有肆長四十人

唐

唐六典關令一人從八品上丞二人從九品上錄事一人府二人史四人典事六人津吏八人中關令一人正九品下丞一人從九品下錄事一人府一人史二人典事四人津吏六人下關令一人從九品下府一人史二人典事二人津吏四人○兩京諸市署各令一人從六品上掌百族交易之事丞爲之貳

新唐書百官志市署有錄事一人府三人史七人典事三人掌固三人

新唐書食貨志德宗時趙贊請諸道津會置吏閱商賈錢每緡稅二十竹木茶漆稅十之一以贍常平本錢帝納其

策

文獻通考文宗太和七年御史臺奏太和三年赦文天下除兩稅外不得妄有科配其擅加雜權率一切宜停令御史臺嚴加察訪者伏見嶺南道擅置竹練場稅法至重害人頗深自太和三年赦文旬月之內或以督察不嚴或以長吏更改依前卻置重困齊人伏望今後科配雜權等有出使郎官御史令嚴加訪察苟有此色本判官重加懲責從之○開成二年武寧軍節度使薛元賞奏泗口稅場應是經過衣冠商客金銀羊馬斛斗見錢茶鹽綾絹等一物已上並稅今請停絕敕旨從之

謹案唐代雜稅繁多諸使並出如租庸兩稅戶口監鐵

權酷諸名史不絕書而關津之稅則唯有關令津吏諸末職分隸於各州縣而無專使之官然觀趙贊請於津會置吏稅緡錢及竹木茶漆以贍常平本錢則未免苛碎煩擾甚至赦文停止而諸道轉設爲至重之稅法若泗口稅場則金銀見錢有稅一物以上有稅蓋由法制不定責成不專故官吏得以乘間妄取而實無補於軍國之費也

文獻通考唐有市舶使代宗廣德元年有廣州市舶使謹案市舶使徵稽蕃貨爲海關徵稅之所自始

五季

孫逢吉職官分紀梁開平元年以潼關隸陝州乃置潼關軍使又改虎牢關爲軍仍置使

五代會要周顯德五年敕諸道州府應有商賈興販牛畜者不計黃牛水牛凡經過處並不得抽稅如是貨賣處祇仰據賣價每一千抽稅錢三十不得別有邀難

宋

宋史職官志鹽鐵使掌天下山澤之貨賄關市河渠軍器之事以資邦國之用分掌七案三日商稅案

王應麟玉海乾德三年八月辛酉置權貨務京師及建安漢陽蘄口並置

職官分紀國朝舊有權易庫因置使

宋史職官志監當官掌茶鹽酒稅場務征輸諸州軍隨事

置官

文獻通考開寶四年平廣南以同知廣州潘美尹宗珂並兼市舶使咸平二年令杭州明州各置市舶聽蕃官從便市舶司多州郡兼領元豐中始令轉運使兼提舉而州郡不復預後專置提舉而轉運使亦不復預矣

宋史職官志提舉市舶司掌蕃貨海舶征權貿易之事以來遠人以通遠物

謹案宋關市之稅內則掌於鹽鐵使外則領於各州郡而屬於轉運使其後亦復專設提舉之官其京師權貨務自開寶時始設而州軍隨事立監當官蓋關稅之職至宋始備與今制亦大畧相照合云

文獻通考太祖建隆元年詔所在不得苛留行旅齎裝非有貨幣當算者無得發篋搜索又詔榜商稅則例於務門無得擅改更增損及創收

李燾續資治通鑑長編淳化二年詔除商旅貨幣外其販夫販婦細碎交易不得收其算常稅名物令有司條析揭榜頒行天下

謹案今各關務刊刻木榜揭應稅物值之數而省其奇零使商民周知而吏不得爲奸蓋實昉於宋制也

文獻通考李重進平以宣徽北院使知揚州樞密直學士杜鞞監州稅止齋陳氏日以朝臣監州稅始於此然未以此置官也諸州監當分差使臣自太宗始雍熙三年始著

職官表卷六十二
於令監當使臣京朝官並三年替仍委知州通判提舉之
遂爲定員

王海仁宗時詔場務歲課倍增者乃增使臣一員監臨又
詔取一歲中數爲額後雖羨益弗增

陳傅良止齋集藝祖開基首定商稅則例自後累朝守爲
家法凡州縣小可商稅不敢專擅創取動輒奏稟二司取
旨行下至淳化三年令諸州縣有稅以端拱元年至淳化
元年收到課利最多錢數立爲租額比校科罰蓋商稅額
比校自此始熙寧三年中書奏自來場務課利增虧並自
本州保明三司立定新額始牒轉運司令本處趁辦往復
動經年歲虛有雷滯莫若令本州自此立定租額比較有
旨從之本州比較自此始商稅輕重皆出官吏之意有增
而無減矣政和間漕臣申奏於則例外增收一分稅錢而
一分增收稅錢窠名自此始紹興二年令諸路轉運使量
度收稅緊慢增添稅額三分或五分而三五分增收稅錢
窠名自此始

謹案遣朝臣監督各路關稅始於宋初削平藩鎮之日
蓋自唐以來諸藩鎮專有一方重歛侵掠無復經常之
制故以朝臣往監經紀其事其後遂爲定制而三年則
有更替增課則更添置使臣嗣後始一歸於轉運使而
以州縣官監當提舉蓋猶今直省各關或專遣司員或
由督撫將軍織造鹽政總理而委道府各屬官監收之

制也商稅之有額昉於淳化間三司取定之租額至熙寧間則令本州各自爲額而稅以漸增自後有添取一分至三五分窠名而征權繁重是雖有定額之名而加征不啻倍蓰以視我

朝各關征稅設爲一定之額永垂恆制不得擅有增益者相去蓋霄壤矣

文獻通考熙寧七年詔減國門稅數十種錢不滿三十者蠲之其先外城二十門皆責以課息近止令隨其閑要分等以檢捕獲失之數○元祐元年戶部請在京商稅院酌取元豐八年錢數以爲新額自明年始

謹案宋時國門征稅屬於在京商稅院而統於戶部故

額設之增減由戶部奏定其制與今稍異也

遼

遼史食貨志征商之法自太祖置羊城於炭山北起榷務以通諸道市易太宗得燕置南京城北有市百物山峙命有司治其征餘四京及它州縣貨產懋遷之地置亦如之雄州高昌渤海亦立互市以通南宋西北諸部高麗之貨聖宗乾亨間燕京畱守司請弛居庸關稅以通山西羅易二十三年振武軍及保州並置榷場

遼史百官志南面財賦官有某州錢帛都點檢

金

金史百官志榷貨務使從六品副使從七品掌發賣給隨

路香茶鹽鈔引提舉南京權貨司

貞祐四年置

提舉從五品同

提舉從六品勾當官三員正九品提舉南京路權貨事從六品中都都商稅務司使一員正八品副使一員正九品掌從實辦課以佐國用都監一員從九品掌簽署文簿巡察匿稅潼關二使兼譏察官正七品掌關禁譏察奸偽管鑰啟閉副譏察正九品掌任使之事居庸關紫荆關通會關會安關及他關皆設使從七品

金史食貨志明昌元年正月制尙書省定院務課商稅額泰和七年制院務課令運使差官監權

謹案金制稅務之官較爲詳備如居庸紫荆諸關皆爲今日經制實由金昉也其時商稅有成額由尙書省審定蓋隸於戶部而行於提舉各官大定明昌之間俗臻富庶亦其規制商民均有得宜者耳院務課令運司差官監權正與今之督撫委員監收關稅者相似蓋與宋制相彷彿也

元

元史百官志大都宣課提舉司掌諸色課程併領京城各市提舉二員從五品同提舉一員從六品副提舉一員從七品提控案牘一員司吏六人世祖至元十九年併大都舊城兩稅務爲大都稅課提舉司至武宗至大元年改宣課提舉司屬戶部抽分場提領所凡十處曰柴墟東西口曰海州新壩曰北沙大倉曰安河桃源曰太湖東西口曰時

明史職官表卷六十二
堡興化日高郵保應日汶湖等處日雲山白水日安東州
每所各設提領一員同提領一員副提領一員常湖等處
茶園都提舉司秩正四品達魯噶齊解見理藩院篇一員提舉一
員俱從五品同提舉一員從六品副提舉一員從七品提
控案牘一員都目一員提領所每所各設正同副提領各
一員俱受宣徽院劄付

明

明史食貨志關市之征官司有都稅有宣課有司有局有
分司有抽分司場司抽分在南京者日龍江大勝港在北
京者日通州白河盧溝通積廣積在外者日真定杭州荆
州太平蘭州廣寧河北止鹽山縣宣德四年委御史戶部

錦衣衛兵馬司官各一於城門察收舟船納鈔鈔關之設
自此始於是有漕縣濟寧徐州淮安揚州上新河濟野九
江金沙洲臨清北新諸鈔關量舟大小修廣而差其額謂
之船料不稅其貨惟臨清北新則兼收貨稅各差御史及
戶部主事監收正統九年復設甘省稅課司成化七年增
置蕪湖荊州杭州三處工部官初抽分竹木止取鈔其後
易以銀尋遣御史權稅隆慶二年始給鈔關主事關防敕
書

明史職官志監察御史巡關宣德四年設立鈔關御史至
正統十年始遣主事

王圻續文獻通考工部通州白河抽分竹木局大使各一

人副使一人盧溝橋抽分竹木局大使一人副三人大通關提舉一人凡抽分征諸商率三十分取十五取六取五取四取三取二取一凡七等

〔明史職官志〕市舶司提舉一人從五品副提舉二人從六品其

屬吏目一人從九品掌海外諸蕃朝貢市易之事禁通蕃征

私貨平交易洪武七年罷福建廣東浙江三提舉司永樂

元年復置尋命內臣提督之嘉靖元年罷福建浙江二司

惟存廣東市舶司○稅課司大使一人從九品典稅事明初

改在京官店爲宣課司府州縣官店爲通課司後通課司

爲稅課司

謹案明代置鈔關御史專稅諸關船料其兼稅貨物則

以御史及戶部主事兼理之而竹木稅務則屬於工部

主事其他稅課河泊之領於州縣者與今制略同惟御

史巡關我

朝始從裁去蓋各省關權旣由督撫委員監收報其成於

部院而戶工兩部及內務府司員分任要地責成嚴重

至崇文門兩翼監督每歲奏請並以大臣

特旨簡放所以慎重關政者甚至誠無待於別差御史徒滋

紛擾也考歷代關制至宋始詳而其爲弊亦復不一文

獻通考稱其貪吏苛取私立稅場其弊已有不勝言者

至於明代中葉以後各關津多設無名稅課其尤弊者

凡諸市舶店稅及門關稅務多遣中官主之侵漁百計

職官表卷六十二
凌轢官吏剝削商民至於採辦開礦之使紛紜四出則
宇內胥被其毒姦民望風希幸納賄中官輒授以指揮
劄記任爲爪牙窮鄉僻壤皆私立土商名目米鹽雞犬
篋取無遺甚至數激民變亦復庇而不問其所得財賄
盡以飽權閹之溪壑而昔人通商裕國之經制蕩焉無
存矣我

朝釐正關權

寬政頻施前代無名之繁賦芟除殆盡其治於有司者既定
經常之額歲終會計與田賦彙疏以

聞而門關重地督以重臣蒞以封疆大吏關津則有親填循
環稽考之簿海舶則有貿易外洋之照內江內河之經
歷遼遠者皆給之照以辨姦良所以體恤商賈杜絕姦
欺者規制至爲詳悉益利用通財盡革往代無藝之征
而垂億萬年永久之制洵非成周以後所得而比隆者
矣

阿爾泰烏里海洋散秩大臣副都統

烏里雅蘇台參贊大臣科布多參贊大臣

職官表卷六十三 各處駐劄大臣表

廣雅書局印

職官表卷六十三

副都統

單于都護副都

單于都護副都

副使

節度使

各處駐劄大臣

國朝官制

喀爾喀軍營定邊左副將軍一人烏里雅蘇台參贊大臣一人
科布多參贊大臣一人

掌喀爾喀四部之軍政凡四部會盟參贊大臣閒歲分往
會覈稽其邊防軍實之事統聽左副將軍裁決具疏以
聞

阿爾泰烏里洋海散秩大臣二人副都統一人總管四人佐領
二十七人驍騎校二十七人
庫倫辦事大臣一人司員一人

掌鄂羅斯之往來明其禁令司員掌庫倫貿易諸務稽察

奸宄平其爭訟

謹案乾隆四十九年正月奉

旨增派大臣二人同辦庫倫事務係出

特簡不在定制之內故不列爲額缺

分駐恰克圖辦事司員一人

掌鄂羅斯貿易諸務聽節制於庫倫大臣

綏遠城將軍一人協領五人佐領二十人防禦二十人驍騎校二十人

兼管歸化城土默特

歸化城土默特副都統一人參領十人佐領四十九人掌歸化城土默特之軍政以時巡閱邊防編審戶冊

右衛城守尉一人防禦四人驍騎校四人

遊牧察哈爾都統一人副都統一人八旗遊牧滿洲理事官九人八旗蒙古理事官八人護理都統關防筆帖式二人護理軍站印務筆帖式一人八旗總管八人參領八人副參領八人佐領一百一十一人驍騎校一百一十七人護軍校一百一十七人捕盜六品官三人

掌察哈爾之軍政東西各分四旗西四旗在山西多倫諾爾境東四旗則熱河道所屬境也

西寧辦事大臣一人司員一人筆帖式一人

掌西寧之軍政凡青海三十六旗之會盟一如喀爾喀四部之制間歲舉行聽

簡命大臣裁決具疏以

聞

西藏辦事大臣二人司員一人筆帖式一人

掌西藏之政令凡噶卜倫代貢第巴堪布皆屬焉有事則與達賴喇嘛定其賞罰由

特旨簡派三年更代

歷代建置

謹案三代以上疆域止於九州荒服以外聽其去來聲教所及僅通朝貢而已三代以下漸事邊防其關塞重鎮多在西北然不過雲中朔方諸地列戍控扼卽張家口歸化城外已爲甌脫若喀爾喀青海西藏則皆視爲

絕域豈復能建官分職以鎮其土地馭其人民哉載稽前史漢武帝時始開河西四郡通道玉門於是置護羌校尉其幽并以外則不能踰越長城也光武而後始置護匈奴中郎將沿及魏晉仍而不改亦皆局促塞下未遑遠馭唐太宗平突厥西北諸蕃稍稍內屬卽其部落別置州縣其大者爲都督府以其首領爲都督刺史皆得世襲所謂羈縻州也至宋而北阻於遼西阻於夏禹迹所經且多爲異域長城以外更不待言矣唯元太祖起自和林盡取漠南山北諸地世祖又定吐蕃各置中書行省及宣慰等使比於諸路稱爲極盛至明而北棄大寧西失河套雖僅僅較勝於宋而狹隘抑亦甚焉我

國朝聲教旁通無遠弗屆蒙古北部喀爾喀三汗同時納
貢厥後朔漠蕩平庇我宇下與漠南諸部相等承平以
來懷柔益遠北踰瀚海西絕羌荒西藏青海諸地並入
版圖諸部君長稽首偕來畫疆置吏有如內地於是統
之以重臣監之以分司內外相維大小咸秩凡諸部族
莫不自幸爲躬游

聖世循職典屬伏考喀爾喀諸部於漢爲單于故壤於唐爲
突厥其後爲回紇於元爲漠北諸部西寧所屬卽漢以
來之西海渾羌諸地西藏卽吐蕃地歸化城察哈爾卽
古雲中定襄以北地謹詳稽前代職官擇其稍近今制
者條其梗概具列如左其互市諸司置於緣邊諸境與

今庫倫恰克圖諸官所掌相類者並附著於篇

三代 未置

秦 未置

漢

後漢書百官志護羌校尉一人比二千石主西羌

謹案漢武帝時將軍李息郎中令徐自爲將兵十萬人
擊平先零始置護羌校尉持節統領趙充國傳詔舉可
護羌校尉者五府舉辛武賢小弟湯趙充國舉湯兄臨
眾是也其屬有擁節長史一人司馬二人皆六百石先
零諸羌在今爲青海諸部地是護羌校尉固略如今西
寧辦事大臣也

漢書匈奴列傳漢遣長樂衛尉高昌侯董忠車騎都尉韓昌將騎萬六千送單于出朔方雞鹿塞詔忠等留衛單于助誅不服

謹案漢單于舊境自歸化城土默特張家口察哈爾至喀爾喀諸部皆在其內長樂衛尉車騎都尉雖皆典司中禁非邊外之職然留衛單于則實如今制之駐劄藩部仍帶京銜故其官雖不列於表而特錄其事以著緣起焉

後漢書百官志使匈奴中郎將一人比二千石主護南單于置從事二人有事隨事增之掾隨事爲員

後漢書南匈奴列傳建武二十六年遣中郎將段郴副校尉王郁使南單于南單于遣子入侍令中郎將置安集掾史將弛刑五千人持弓弩隨單于所處參詞訟察動靜冬復詔單于徙西河美稷因使中郎將段郴及副校尉王郁留西河擁護之爲設官府從事掾史令西河長史歲將騎二千弛刑五百人助中郎將護衛單于

袁宏後漢紀順帝紀永建五年十一月遣匈奴中郎將討南匈奴漢安二年匈奴中郎將馬實有功於邊詔書褒獎賜錢十萬西羌之難王暢薦實於執事由是爲匈奴中郎將桓帝紀元嘉九年鮮卑烏孫寇邊匈奴中郎將張奐擊降之靈帝紀建寧六年田晏爲鮮卑中郎將與匈奴中郎將臧昱擊南單于三道並進

武經總要皇甫規為中郎將持節監討零吾等羌會軍大疾死者十三四規親入菴廬巡視將士三軍感悅東羌遂使乞降

謹案後漢以段郴王郁雷西河擁護單于此亦沿董忠韓昌之故事然司馬彪列其職於百官志且載其屬吏蓋至是而制乃加詳矣至馬實張奐田晏等並以匈奴中郎將帥師征討是有事亦可用為將帥然要皆以綏遠為職也

後漢書西羌列傳建武九年司徒掾班彪上言舊制涼州部置護羌校尉持節領護理其怨結歲時循行問所疾苦又數遣使譯通動靜使塞外羌夷為吏耳目州郡因此可得做備今宜復如舊以明威防光武從之

後漢紀章帝紀元和三年十月西羌寇張掖隴西金城護羌校尉傅育擊走之順帝紀永建四年第五訪後為南陽太守護羌烏桓校尉桓帝紀元嘉二年西戎犯塞護羌校尉段熲討之三年羌寇張掖護羌校尉段熲討之

酈道元水經注延熹二年西羌燒當犯塞護羌校尉段熲討之追出塞至積石山斬首而還○永元五年貫友代聶尚為護羌校尉攻迷唐斬獲八百餘級○湟水又東逕赤城北而東入經戎峽口右合羌水出西南山下逕護羌城東故護羌校尉治

宋田錫論邊事疏光武時西戎犯邊班彪請置護羌校尉

通其貨之有無治其人之冤枉塞垣遂安

謹案建武以來燒當諸羌常居大小榆谷土地肥美又有西海魚鹽之利緣山濱水易以爲非故安集諸羌最爲慎重班彪所陳曲盡事理然所云譯通動靜爲吏耳目可得做備則專以防察爲職在當時羣羌叛服不常不得不爾以視

聖朝疆理撫綏之制不可同年而語矣

後漢書明帝本紀永平八年三月初置度遼將軍屯五原曼柏冬十月丙子詔三公募郡國中都官死辜繫囚減罪一等詣度遼將軍營屯朔方五原之邊縣耿國列傳匈奴與鞬日逐王比自立爲呼韓邪單于歛塞稱藩願扞北鹵

議者以爲不可許國獨曰宜如孝宣故事受之帝從其議遂立爲南單于由是北鹵遠遁又上言宜置度遼將軍左右校尉屯五原永平元年卒官顯宗追德國言遂置度遼將軍左右校尉

謹案續漢百官志明帝初置度遼將軍以衛南單于眾新降有二心者後數不安遂爲常守然則度遼將軍之衛南單于與匈奴中郎將之護南單于職畧相近耿秉傳建初元年拜度遼將軍視事七年匈奴懷其恩信鮮卑傳元初六年秋鮮卑入馬城塞度遼將軍鄧訓發積射士三千人追擊大破之是度遼將軍兼主匈奴單于鮮卑諸部之事也與使匈奴中郎將職守全同又考皇

甫規傳規拜度遼將軍至營數月薦張奐自代從之規
爲使匈奴中郎將張奐傳延熹九年夏拜護匈奴中郎
將以九卿秩督幽并涼三州及度遼烏桓二營則是匈
奴中郎將又得兼轄度遼營也蓋二職並重而匈奴中
郎將秩似更優然考橋元傳元爲度遼將軍假黃鉞則
位亦特崇與今之駐劄大臣大略相合而寵榮稍踰分
矣

三國

杜佑通典魏第四品諸匈奴護羌等校尉

謹案唐六典魏黃初二年始置都督諸州軍事或領鎮
戎總夷校尉則校尉乃都督兼銜非如前代之設爲專
官也又考魏志鄧艾領東羌校尉似於護羌校尉之外
別爲一官者華陽國志晉何攀轉東羌校尉蓋魏晉之
閒又有此名

晉

常璩華陽國志晉太康三年更以益涼州爲輕車刺史乘
傳奏事以蜀多羌夷置西夷府以平吳軍司張牧爲校尉
持節統兵州別立治西夷治蜀各置長史司馬

李吉甫元和郡縣志晉惠帝永寧元年以張軌爲刺史持
節領護羌校尉

晉書職官志護匈奴羌戎蠻夷越中郎將武帝置四中郎
將或領刺史或持節爲之

宋齊梁陳

宋書百官志西戎校尉

南齊書百官志護西戎校尉護羌校尉

隋書百官志梁制北涼南秦置西戎校尉南秦涼州置平戎校尉

謹案宋齊及梁承魏晉之後官制無大改易其時土宇偏安遠略不及雖官名猶存皆因仍故事而無其實也如北涼南秦等皆係今之內地與今駐劄大臣其事迥異故節錄史文而不列於表

北魏

北魏書官氏志護匈奴羌戎中郎將護羌戎校尉

謹案北魏太和中詔羣僚議定百官以四夷中郎將為三品中四夷校尉為三品下至世宗朝皆改為從三品視宋齊之秩稍為優重如太武拜楊難當為護西羌校尉孝文拜伏連籌為西戎中郎將亦如今制或以藩部台吉領將軍大臣事也

北齊 未置

後周 未置

隋

隋書百官志緣邊交市監置監副監各一人

謹案隋開皇中突厥請緣邊置市與中國貿易故置交市監隸諸州管轄考自漢時已與單于通市北魏又與

庫莫奚貿易則設官當不自隋始隋志始著其職耳今
庫倫恰克圖司官掌貿易之政與古之交市監略爲相
髣而幅幘所暨境地綿闊則迥非前代之所及矣

鄭樵通志煬帝時遣侍御史韋節司隸從事杜行滿使於
西國復令聞喜公裴矩於武威張掖開往來以引致之大
業中相率來朝者四十餘國因置西戎校尉以應接之
謹案此西戎校尉蓋爲西域諸國而設然駐於邊境不
至西域則略如今西寧大臣矣

唐

通典唐永徽中始於邊防置四大都護府後又加單于都
護府府置大都護一人副一人副都護二人長史司馬各

一人

謹案唐會要安北單于爲大都護北庭爲中都護而新
唐書地理志則皆爲大都護開元四年除鄯王爲安北
大都護十五年除忠王爲單于大都護自後皆以親王
遙領而副大都護則兼王府長史主都護之政蓋卽今
左副將軍及辦事大臣之職其屬自長史司馬而外又
有錄事參軍事一人功曹參軍事倉曹參軍事戶曹參
軍事兵曹參軍事法曹參軍事各一人參軍事三人俱
見百官志

新唐書地理志安北大都護府本燕然都護府龍朔三年
曰瀚海都護府總章二年更名開元二年治中受降城十

年徙治豐勝二州之境十二年徙治天德軍單于大都護
府本雲中都護府龍朔三年置麟德元年更名車鼻可汗
傳永徽元年九月八日庚子高宗遣右騎衛中郎將高侃
伐車鼻可汗擒之獻於武德殿以其眾處鬱督軍山建新
黎州使領其眾置狼山都督府以統之於是突厥盡爲封
疆臣矣始置單于瀚海二都護府單于領狼山雲中桑乾
三都督蘇農等二十四州瀚海都護府領瀚海金微新黎
等七都督仙萼賀蘭等八州卽擢酋領爲都督刺史龍朔
三年二月改燕然爲瀚海都護府領回紇徙故瀚海都護
府於古雲中城號雲中都護府積以北蕃州悉隸瀚海南
隸雲中雲中者義成公主所居也頡利滅李靖徙突厥羸
破三百帳居之以阿史德氏爲之長眾稍盛麟德元年正
月甲子卽建言願以諸王爲可汗遙領之帝曰今可汗古
單于也乃更雲中府爲單于大都護府以殷王爲單于都
護

唐會要麟德元年正月十六日甲子敕改單于大都護府
以殷王遙領垂拱二年改爲鎮守使聖祿元年五月六日
改爲安北都護開元二年閏二月五日復置單于都護府
移安北都護於中受降城天寶四載十月單于都護府置
金河縣

武經總要入三受降城路自州北九十里入朔州西界又
三十里至朔州又三百四十里至單于都護府號振武軍

又西北二十里至東受降城又西二百里安北都護府至
中受降城

謹案唐貞觀初鐵勒諸部內附置六都督七州各以其
首領爲都督刺史卽故單于臺置燕然都護府統之其
後改燕然都護府爲瀚海移都護府於回紇部落其舊
瀚海府移置雲中古城改名雲中都護府至總章初始
改瀚海都護府爲安北都護府如鴻臚少卿朔方軍副
大總管王峻兼安北大都護是也以今考之瀚海燕然
在今喀爾喀四部境內雲中所治卽今歸化城及察喀
爾諸境所云豐勝二州卽今歸化六廳兼有蒙古內札
薩克諸旗之地也壤地相錯以今準古畧有可溯故並

著於篇

新唐書百官志互市監每監監一人從六品下丞一人正
八品下掌蕃國交易之事

謹案隋以監隸四方館唐隸少府貞觀六年改交市曰
互市監副監曰丞垂拱元年復改曰通市監蓋卽因隋
制而爲之也

五季 未置

宋 未置

馬端臨文獻通考北蕃在太祖時雖聽緣邊市易而未有
官署太平興國二年始令鎮易雄霸滄州各置權務命常
參官與內侍同掌

謹案宋以常參官理緣邊權務卽今司員之職疆域雖殊職掌頗合故因隋唐交市監而類及之至必令內侍同掌則其弊滋甚不足論矣

遼

遼史百官志西南面安撫使司西南面都招討司西南邊

大詳袞解見新司西南面烏雅蒙古語白鯢魚也原作五押今從八旗姓氏通譜改

正招討司西南路巡察司西南面巡檢司西南面伊喇滿洲

語委也原作拽刺今從八旗姓氏通譜改正司山北路都部署司金肅軍都部

署司南王府北王府伊寶解見八旗都統篇王府山金司已上西京諸路

控制西南面節制司西南面都統軍司已上西南邊諸司山西兵

馬都統軍司西路招討使司西邊大詳袞司四蕃都軍所

夏州管内蕃落使倒塌嶺統軍司倒塌嶺節制使司塌西

節度使司塌母城節度使司已上西蕃諸司

謹案遼史兵衛志遼屬國可紀者五十有九有事則遣使征兵不從者討之故北面邊防官最爲詳備第名目猥多史臣不能盡悉今舉其可知者節度使司有使有副使同知司馬判官掌書記衙官都統軍司有使有副使都監都部署司有都部署有副部署都監判官都指揮司有使有副使都監招討使司有使有監軍詳袞司有詳袞有都監將軍小將軍巡檢司有巡檢同巡檢大抵如唐宋節度使及經略安撫使之制而所領諸地則兼有今朔漠西羌諸部與今駐劄大臣頗相類也

金

金史百官志諸部族節度使節度使一員從三品統制各部鎮撫諸軍餘同州節度副使一員從五品判官一員知法一員司吏四人女直漢人各半通事一人譯人一人塔

馬解見八旗都統篇右博勒和滿洲語潔淨也原部族特哩袞蒙古

語頭也原作部族並依此置

謹案金制部長曰貝勒解見八旗都統篇統數部者曰呼嚕滿

語手背也原其後倣宋遼之制俱改曰節度使蓋以綜

理藩屬非如唐代內地之節度使也地理志部族節度

使有烏克蘇喇滿洲語支派中之一支有烏庫哩原作

里今從八旗姓有實壘蒙古語土也原有珠嚕滿洲語

氏通諸改正有伯特滿洲語才力不及之有奇嚕滿洲語小

今改有唐古即博勒和也有德嚕勒索倫語臉也原即

特哩袞也明昌三年罷烏克蘇喇節度使以招討司兼

領云

金史百官志諸紮詳袞詳袞一員從五品掌守戍邊堡餘

同穆昆解見理藩院篇皇統八年六月設本班左右詳袞定為從

五品默濟格滿洲語信息也一員從八品掌貳詳袞司吏

三人實訥昆解見八旗都統篇掌本紮差役等事茂滿洲語樹也

紮伊喇穆騰滿洲語才能也古勒敦滿洲語城門洞也舒

嚕滿洲語珊瑚也紮並依此置惟舒嚕添設譯人一名○

諸額爾奇木蒙古語尊貴也原司額爾奇木一員從八品

分掌部族村寨事司吏女直一人漢人一人實訥昆掌本
差役等事塔馬特哩袞部族南北額爾奇木司依此置博
勒和部族左右額爾奇木司置女直司吏一人○諸圖哩
解見八旗都統篇圖哩一員從七品掌部落詞訟訪察違背等事
女直司吏一人通事一人

謹案金皇統中羣僚議定官制惟詳袞等官尚仍遼舊

貞祐中改茂詳袞為明安解見理藩院篇穆騰古勒敦詳袞為

穆袞餘如舊額蓋以詳袞比唐之司馬額爾奇木比唐

之參軍圖哩比唐之錄事也又地理志諸詳袞有呼敦

滿洲語速也原作胡都今改哈瑪爾蒙古語行圍前引人也原作霞馬今改而無舒嚕

與百官志異

元

元史百官志吐蕃等處宣慰使司都元帥府○禮店文州

蒙古漢軍西蕃軍民元帥府○吐蕃等處招討使司○朶

甘思田地裏管軍民都元帥府○喇麻綱喇麻番僧也綱山岡也原作刺

馬兒剛今改等處招討使司○本布唐古特語道士也原作奔不今改招討使

司○六番招討使司○天全招討使司○朶甘思招討使

司○烏思藏納喇蘇蒙古語松樹也原古嚕蘇蒙古語獸

孫今改等三路宣慰使司都元帥府

謹案吐蕃等處宣慰使司有使有同知有副使都元帥

府有都元帥副元帥元帥府有達嚕噶齊解見戶部篇有元

帥安撫司有達嚕噶齊有使有同知有副使有僉事其

原數多寡不齊大率與諸路等元史釋老傳云元起朔方固已崇尚釋教及得西域世祖思因其俗而柔其人乃郡縣吐蕃之地設官分職而領之於帝師其自帥臣以下皆僧俗並用軍民統攝於是帝師之命與誥敕並行於西土今考吐蕃烏斯藏爲今之西藏地朶甘思爲今之青海地都元帥府則如今之辦事大臣也

元史地理志和寧路始名和林太祖建都於此前後五朝都焉世祖中統元年遷都大興置和林宣慰司都元帥府大德十一年置和林總管府至大二年改爲行尙書省皇慶元年改爲和寧路總管府

謹案一統志稱喀爾喀部卽元和寧路元所從興也考

和寧自中統遷都以後卽立宣慰司其後總管之置行尙書省之設則皆以內地之職治之官制與今不同唯宣慰元帥與吐蕃朶甘思部相同則與今制有適相符合者矣

明未置

謹案明史西蕃列傳洪武四年遣西寧州同知李喃哥等招撫其酋長乃改西寧州爲衛以喃哥爲指揮帝以西蕃產馬與之互市馬至漸多而其所用之貨與中國異自後馬至者少患之八年命中官趙成齋羅綺綾絹并巴茶往河州市之馬稍集率厚其值以償成又宣諭德意蕃人感悅十六年青海酋長史刺巴等七人來歸

賜文綺時岷州亦設衛蕃人歲以馬易茶馬日蕃息考
西寧卽古湟中其西四百里有青海又曰西海水草豐
美蕃人環居之專務畜牧明太祖甫定關中卽建重鎮
于甘肅又設西寧等四衛土官與漢官參治令之世守
且許置茶課司蕃人得以馬易茶而部族之長亦許其
歲時朝貢然無重臣以莅治之故邊吏往往失防蕃人
多被剽敗而中國市馬亦鮮至則特羈縻而已又烏斯
藏列傳洪武初太祖遣使招諭又遣陝西行省員外郎
許允德使其地令舉元故官赴京授職二年上所舉故
官六十人帝悉授以職亦未能治以王官也厥後青海
爲海寇所侵跳梁日甚西藏尤隔絕而不通益不足言
矣至河套以外卽爲蒙古所據察哈爾喀爾喀諸地終
明之世未能得其要領蓋武備不修邊防無術故遠者
偃蹇不恭近者遂操戈而內向積弱之勢非一朝一夕
之故矣統觀前代之失然後知

國朝規模鴻遠能使八荒以外如戶庭之密邇萬里之遙如
臂指之維繫

德威遠播疆域收寧爲自有天地以來所未之見也

鎮國公輔不入八分國鎮公輔不入八分國鎮公輔不入八分國鎮

縣侯

鄉侯

魏鄉公 侯 亭伯 侯 吳亭 侯 縣鄉 侯

公侯子男

公侯

公侯子男

公侯子

公

公

國公

國公 縣鄉公 侯 伯 子男

國公

國公

職官表卷之十四 宗室封爵表

廣雅書局印

郡王 長王 貝勒貝子

次國王 小國王 梁陳 嗣王

王

王

王

王

王

王

王

王

安班貝勒 倫貝勒 呼魯貝勒 貝勒 貝子

世子

鎮國將軍 輔國將軍 奉國將軍 鎮國將軍 恩奉軍將

奉國上 將軍 鎮國上 將軍 輔國上 將軍 恩奉軍將

鎮國將 軍 輔國將 軍 奉國將 軍 恩奉軍將 尉 奉國中 尉 鎮國中 尉 奉國中

宗室封爵

國朝

宗室封爵十有四等一和碩親王二世子三多羅郡王四長子五多羅貝勒六固山貝子七鎮國公八輔國公九不入八分鎮國公十不入八分輔國公十一鎮國將軍十二輔國將軍十三奉國將軍十四奉恩將軍

天潢宗派以

顯祖宣皇帝本支為宗室伯叔兄弟之支為覺羅宗室束金黃帶覺羅束紅帶諸王授封以素行為封號和碩親王親王世子皆金寶龜紐多羅郡王飾金銀印麒麟紐皇子生十五歲由宗人府請封其爵級出自

欽定親王郡王適福晉所生子二十歲後由宗人府請考試親

王適子奉

特旨始封世子其未封世子者與餘子同授封爵餘子考授不

入八分公

天命年開立八和頤貝勒共議國政各置官屬凡朝會燕饗皆異其禮錫賚必均及是為

八分天聰以後宗室內有特恩封公及親王餘子授

封公者皆不入八分其有功加至貝子准入八分如有過

降至公仍郡王適子奉

特旨始封長子其未封長子者亦與餘子同授封爵餘子考授

一等鎮國將軍貝勒適子降襲貝子餘子考授二等鎮國

將軍貝子適子降襲鎮國公餘子考授三等鎮國將軍鎮

國公適子降襲輔國公餘子考授一等輔國將軍輔國公

適子世襲餘子考授二等輔國將軍不入八分鎮國公適

子降襲不入八分輔國公不入八分輔國公適子降襲三

等鎮國將軍餘子均考授三等輔國將軍一二三等鎮國

將軍適子各降襲一二三等輔國將軍餘子均考授二等

輔國將軍一二三等輔國將軍適子各降襲一二三等奉

國將軍餘子均考授三等奉國將軍一二三等奉國將軍

適子均降襲奉恩將軍餘子均考授奉恩將軍其奉恩將

軍既無可降之品級將奉恩將軍適妻所生子但准一子

考試承襲奉恩將軍餘子停封為閒散宗室酌量人才優

者奏請考試准食雲騎尉俸凡王爵由軍功得者世襲罔

替由恩封者以次遞降以功加封者自奉恩將軍遞加一

等至和碩親王親王有功酌賞金銀其以過降封者自和

碩親王遞降一等至奉恩將軍無可降則爲閒散宗室康熙二十七年定考試法王貝勒以下至奉恩將軍之子應授封者考試國語及馬步射優者封應得之爵平者降一等劣者降二等封授乾隆八年定親王側福晉子考授二等鎮國將軍郡王側福晉子考授三等鎮國將軍貝勒側室子考授一等輔國將軍貝子側室子考授二等輔國將軍鎮國公側室子考授三等輔國將軍輔國公側室子考授一等奉國將軍親王妾媵子考授三等輔國將軍郡王妾媵子考授三等奉國將軍貝勒貝子妾媵子均考授奉恩將軍其餘妾婢所生子爲閒散宗室不授封十一年定考試法其學業平庸者降等封授奉恩將軍無級可降如考試降等仍授奉恩將軍停俸三年又定世子之適子

恩封不入八分公如未

恩封與餘子同授封爵餘子考授一等鎮國將軍側福晉子考授三等鎮國將軍妾媵子考授三等奉國將軍長子之適子

恩封一等鎮國將軍如未

恩封亦與餘子同授封爵餘子考授二等鎮國將軍側福晉子考授一等輔國將軍妾媵子考授奉恩將軍三十九年又定親王世爵遞降之法親王遞降至鎮國公郡王遞降至輔國公貝勒遞降至未入八分鎮國公貝子遞降至未入八分輔國公鎮國公遞降至一等鎮國將軍輔國公遞降

至一等輔國將軍俱世襲罔替四十七年奉

旨王貝勒貝子公之子嗣及宗室年已及歲者俱照蒙古王公台吉塔布囊之例分別給與三四品頂帶

歷代建置

謹案自三代盛王莫不封建宗室以爲藩屏後世分王子弟法制相沿爲建國之首務然或泥于古而不知裁制或襲其名而徒事虛文流弊不同而其失均也漢鑿秦孤立之弊封樹子弟裂土分茅諸侯王大者至據名城數十尾大不掉遂啟七國之變晉代懲魏之失分封諸王各子國兵跨州連郡其後八王構亂骨肉相殘至傾國祚明太祖不鑒前轍封諸子於外皆在沿邊險要

之地厚給護衛以致燕王生心奪嫡甫一傳而變起蕭牆其失在於封植太過漢景帝始謀弱諸侯王減削其官武帝從主父偃之謀令王國分邑以侯子弟作左官之律設附益之條諸侯惟得衣租食稅不與政事光武中興無變前制魏文猜防諸弟雖有王侯之號不得比於匹夫南北朝諸王皆在京師其出典方鎮者率受制於籤帥至衣食不得自主唐代諸王有授節度大使兵馬元帥者亦僅屬虛名諸嗣王雖襲舊封授官僅得別駕司馬而中葉以後諸王多不出閭宋氏爵不世襲恩無旁推諸王子孫再傳僅得三班奉職已同凡庶明自永樂以後各王府雖列置諸州禁防至嚴督撫以及府

縣官皆得緣事侵刻其失又在于禁約太甚要皆泥於封建之說而無以善處之故于睦族敦本之道皆未有能得其中者我

朝縣瓜瓞之緒篤行葦之仁封爵世及列邸京師而庸勳親親並行不悖仁至義盡實為曠古之所未有考宗室王公封爵雖與官制不同而列代史志及杜氏通典皆系之職官一門今從其體例詳加詮次由今溯古庶于往代展親厚薄之殊得以考鏡得失益以見國家敦敘宗支與仁迪教度越前代所由以廣一世仁讓之風而鞏億載磐石之固也

三代

史記禹本紀禹為姒姓其後分封用國為姓故有夏后氏有扈氏有男氏斟尋氏彤城氏褒氏費氏杞氏郟氏辛氏冥氏斟氏戈氏殷本紀殷為子姓其後分封以國為姓有

殷氏來氏宋氏空桐氏稚氏北殷氏

黎氏然北殷氏蓋秦寧公所伐亳王湯之後也

目夷氏

春秋左傳僖公五年傳宮之奇曰太伯虞仲太王之昭也

虢仲虢叔王季之穆也僖公二十四年傳管蔡邲霍魯衛

毛聃邽雍曹滕畢原酆郇文之昭也邠晉應韓武之穆也

凡蔣邢茅胙祭周公之允也襄公二十九年傳叔侯曰虞

虢焦滑霍楊韓魏皆姬姓也昭公二十六年傳王子朝曰

武王成康並建母弟以藩屏周亦曰吾無專享文武之功

昭公二十八年傳昔武王克商光有天下其兄弟之國者十有五人姬姓之國者四十人皆舉親也

荀子儒效篇周公立七十一國姬姓獨居五十三周之子孫苟不狂惑者莫不為天下之顯諸侯

史記漢興以來諸侯年表周封五等公侯伯子男然封伯禽康叔於魯衛地各四百里親親之意褒有德也太公于齊兼五侯地尊勤勞也武王成康所封數伯而同姓五十五地上不過百里下三十里以輔衛王室

謹案周同姓之封最廣左氏云姬姓四十人荀子儒效篇稱周公立七十一國姬姓獨五十三人焉史記謂同姓五十五國殆武王克商其始受國者止四十人而周

公成康俱有所增益歟三代之時天子之號為王而子弟之封者為侯秦漢以後天子之號為帝而子弟之封者為王杜佑通典云漢爵二等曰王曰侯王子而封為王者實古之諸侯也故謂之諸侯王然則三代之諸侯與今之王雖爵名不同而實則一也故表於三代首列諸侯以當今之親王云

周禮地官載師以家邑之田任稍地以小都之田任縣地以大都之田任疆地鄭康成注家邑大夫之采地小都卿之采地大都公之采地王子弟所食邑也賈公彥疏春秋之義言弟者皆王之同母弟則母弟與王之庶子與公同食百里地在疆稍疏者與卿同食五十里地在縣又疏者

與大夫同食二十五里地在稍

〔禮記王制孔穎達疏〕王之子弟有同母異母有親疏之異親寵者封之與三公同平常者與六卿同疏遠者與大夫同

謹案周初分封同姓以爲諸侯至後王子弟不得封于畿外而于畿內予之采邑其制雖不可詳考而見于先儒之說者如此蓋周初諸侯皆佐文武定天下者故封爲列國使之傳世相襲此卽今日由軍功王者世襲罔替之義後王子弟授采邑於畿內而以三等爲隆殺之差此卽今日由恩封王者以次遞殺之義也

〔白虎通樂記〕曰武王克殷反商下車封夏后氏之後於杞

殷人之後於宋封王子比干之墓釋箕子之囚天下太平乃封親屬者示不私也卽不私封之何普天之下莫非王土率土之濱莫非王臣海內之眾已盡得使之不忍使親屬無短足之居一人使封之親親之義也以尙書封康叔據平安也王者始起諸父昆弟與己共財之義故可與共土一說諸父不得封

秦未置

〔史記秦始皇本紀〕二十六年秦初并天下丞相綰等言諸侯初破燕齊荆地遠不爲置王毋以鎮之請立諸子始皇下其議羣臣羣臣皆以爲便廷尉李斯議曰周文武所封子弟同姓甚眾然後屬疏遠相攻擊如仇讐周天子弗能

禁止今海內賴陛下神靈一統皆為郡縣諸子功臣以公
賦稅重賞賜之甚足易制天下無異意則安寧之術也置
諸侯不便始皇曰廷尉議是分天下以為三十六郡郡置
守尉監

謹案秦爵二十九關內侯二十徹侯但以賞有功而
不以封同姓子弟其諸子自太子以外或號為君如安
國君是也或但稱公子如公子將閭公子嬰是也

漢

荀悅漢紀高帝紀六年春正月丙午立劉賈為荆王王五
十三縣高帝兄弟四人長曰伯早卒追號曰武哀侯封子
信為羹頡侯次兄曰喜字仲立仲為代王弟曰交從上征

伐有功立交為楚王長庶子肥為齊王王七十縣武帝紀
元朔二年正月令諸侯王得以邑土分子弟于是藩國子
弟畢侯矣平帝紀元始元年立故東平王雲太子開明為
王孫故桃鄉頃侯子成都為中山王封宣帝元孫信三十
六人為列侯自漢初至此王子侯者凡四百八十人令諸
侯王關內侯列侯無子有孫者若同產子皆得為嗣

漢書諸侯王表漢興之初懲亡秦孤立之敗于是割裂疆
土尊王子弟大啟九國武帝施主父之策下推恩之令使
諸侯王得分戶邑自封子弟不行黜陟而藩國自析自此
以來皇子始立者大國不過十餘城

蔡邕獨斷漢興以皇子封為王者得茅土其他功臣及鄉

亭他姓公侯各以其戶數租入爲限不受茅土亦不立社也漢制皇子封爲王者其實古諸侯也周末諸侯或稱王而漢天子自以皇帝爲稱故以王號加之總名諸侯王子弟封爲侯者謂之諸侯

〔西京雜記〕梁孝王入朝與上爲家人之讌乃問王諸子王頓首謝曰有五男卽拜爲列侯賜與衣裳器服王薨又分梁國爲五進五侯皆爲王

〔三輔黃圖〕漢儀冊封諸王必於祖廟冊命之示不敢專也〔王應麟〕王海高祖羹頡侯信等三人高后朱虛侯章等三人孝文管共侯罷軍等十四人景帝平陸侯禮等七人武帝一百七十八人元朔元年前十三人茲侯明等至淮陵

侯定國元朔二年後一百六十五人梁共王子張梁侯仁一人菑川懿王子龍邱侯代等十三人又諸王子元侯何等四人城陽共王子雷侯豨一人東莞侯吉等十二人又頃王子昌侯麥等二十人趙敬肅王子尉文節侯丙等十八人又六人不得封中山靖王子廣望節侯忠等十二人廣州惠王子蒲領侯嘉等四人又二人不得封年又繆王子井侯甘等二人河間獻王子平城侯禮等十人又一人不得封年濟北正王子安陽侯樂等七人又式王子四人代共王子離石侯縮等九人齊孝王子博陽侯就等十人又一人不得封年魯共王子寧陽節侯恬等五人長沙定王子路陵侯童等十一人衡山王子一人膠東康王子皇

虞侯建等三人

謹按玉海此條蓋約漢書王子侯表云河間獻王子平城侯禮等十人又一人不得封年今考表載河間獻王子自沈陽侯自爲不得封年外尙有茲侯明等十一人玉海云十人者誤又玉海云濟北式王子四人今考表載五人四字亦誤

後漢書百官志皇子封王其郡爲國列侯所食縣爲侯國本注曰承秦爵二十等爲徹侯金印紫綬以賞有大者食縣小者食鄉亭得臣其所食吏民後避武帝諱爲列侯武帝元朔元年令諸王得推恩分眾子土國家爲封亦爲列侯

謹案漢同姓封爵二等曰王曰侯而侯則有縣侯鄉侯亭侯之別漢書王子侯表凡封侯而非縣名皆鄉亭侯也高帝封植過制遂卒致叛亂其後下推恩之令而支庶畢侯班固作王子侯表稱其建業承序以廣親親考其實則藉以銷其尾大之釁意不在乎展親也當時作左官之律設附益之條抑損減黜科禁日嚴夫始則縱以驕奢繼則多其猜忌豈非立法之未善哉

漢書文帝本紀四年五月復諸劉有屬籍家無所與元帝本紀初元元年夏四月賜宗室子有屬籍者馬一匹至二駟成帝本紀建始元年二月賜宗室有屬籍者錢帛各有差

謹案漢時宗室疏屬其推恩之令見于史者如此特希
闊一時之舉與今宗室月有養贍歲有祿米其恩意之
厚薄迥殊矣

後漢書光武帝本紀建武十三年二月丙辰詔曰長沙王
興眞定王得河間王邵中山王茂皆襲爵爲王不應經義
其以興爲臨湘侯得爲眞定侯邵爲樂成侯茂爲單父侯
其宗室及絕國封侯者凡一百三十七人丁巳降趙王良
爲趙公太原王章爲齊公魯王興爲魯公○十五年封皇
子輔爲右翊公英爲楚公陽爲東海公康爲濟南公蒼爲
東平公延爲淮陽公荆爲山陽公衡爲臨淮公焉爲左翊
公京爲瑯琊公十七年進右翊公輔爲中山王其餘九國
公皆卽舊封進爵爲王

謹案兩漢宗室之封有王有侯惟建武十三年降封趙
等三國爲公光武諸子初封亦爲公而同姓子弟無爲
王者至十七年諸子皆進爵爲王趙王良傳建武十三
年降爲趙公後薨子節王栩嗣至齊魯二王傳又不言
降封蓋亦皆于十七年進爵矣

後漢書孝明八王列傳彭城靖王恭永平九年賜號靈壽
王樂成靖王黨永平九年賜號重熹王

章懷注曰取其美
名也東觀記賜號
邑也

謹案漢諸王皆以郡爲國惟後漢靈壽重熹二王初皆
以美名爲王號其後乃建爲國此後世以美名爲王號

之始

後漢書東平王蒼列傳永平十一年帝遣使手詔賜國中傳曰今送列侯印十九枚諸王子年五歲以上能趨拜者皆令帶之

後漢書孝順帝本紀永建元年正月甲寅詔宗室以罪絕者皆復屬籍

洪适隸續中山相薛君成平侯劉君斷碑趙氏誤以劉君爲成平侯相詳其額初無相字此蓋王子侯也西京列侯其傳國皆有世次東京枝葉既不繁而史筆又簡畧其書于策者不過如東海王傳云王第二十二人皆爲列侯爾

三國

三國蜀志二主妃子列傳劉永先主子後主庶弟章武元年六月立永爲魯王建興八年改封甘陵王劉理亦後主庶弟章武元年六月封爲梁王建興八年改爲安平王三國魏志文帝本紀黃初三年三月乙丑立齊公叡爲平原王帝弟鄢陵公彰等十一人皆爲王初制封王之庶子爲鄉公嗣王之庶子爲亭侯公之庶子爲亭伯

三國魏志武文世王公列傳陳壽評魏世王公旣徒有國土之名而無社稷之實又禁防壅隔同于囹圄位號靡定大小歲易

魏文帝改封諸王爲縣王詔先王建國隨時而制漢祖增秦所置郡至光武以天下損耗并省郡縣以今比之益不

及馬其改封諸王皆為縣主

謹案曹魏猜防宗室裴松之謂公國徒有老兵百餘人以衛其國又設防輔監國之官以伺察之王侯皆思為布衣而不得則涼薄寡恩莫甚於此惟定庶子遞降之制為能監前代而得損益之宜故晉因之而不變焉

〔三國吳志吳主權列傳〕太和元年正月立故太子和為南陽王居長沙子奮為齊王居武昌子休為琅琊王居武林〔宗室列傳〕孫皎子允封丹陽侯孫奭封沙羨侯孫賁封都亭侯子隣進封都鄉侯孫翊子松為都鄉侯孫韶封建德侯孫楷臨城侯孫桓封丹徒侯

晉

〔杜佑通典〕晉亦有王公侯伯子男六等之封惟安平公孚萬戶制度如魏諸王其餘縣公邑一千八百戶地方七十五里大國侯邑千六百戶地方七十里次國侯邑四千戶地方六十五里大國伯邑以下原闕一葉次國八十人小國六十人郡侯縣公亦如小國

〔冊府元龜〕西晉諸王皆主兵臨州以威勢相凌干戈並構墜於屠滅蓋有漸爾

謹案晉本紀泰始元年封王二十七人六年立皇子為王咸寧三年又立齊王子二人為王蓋鑒於魏之脍削宗室而侈廣其制如此當時許其自選官屬而王家人衣食御府別給之其寵異之者甚至不旋踵而諸王操

戈相向以至亂亡劉宏傳所謂災難延於宗子自載籍以來骨肉之禍未有若此之甚者非獨惠帝不君威權下移實由封植太過權力相軋以釀其釁蓋矯募封建之虛名未有不受禍者也

宋齊梁陳

通典宋氏一用晉制惟大小國皆有二軍凡王子為侯者食邑皆千戶

通典梁封爵亦如晉宋之制

南史梁武帝諸子列傳昭明太子統長子東中郎將南徐州刺史華容公歡封豫章郡王次子枝江公譽封河東郡王曲江公譽封岳陽郡王

謹案通典謂宋封爵如晉制又謂梁如晉宋之制然晉時諸王支庶備有五等之封而宋梁自王以下見於史者惟王子侯而已此外惟梁時昭明太子諸子嘗封公而 he 未有間焉

冊府元龜陳因梁制有親王嗣王藩王之制親王起家則為侍中皇太子冢嫡封王起家依諸王餘子並封公起家中書郎諸王子並諸侯世子起家給事江左承西晉諸王開國並以戶數相差為大小三品陳自永安訖於禎明惟衡陽王昌特加至五千戶其餘不過二千小國至千戶

謹案宋齊二代猜忌骨肉諸王出鎮受制典籤梁武鑒於前政優假諸子事力雄強然或坐視君父之難或自

構蕭牆之兵幾與西晉八王無異考其立國實多慙德
本實已搖徒欲廣樹屏藩終不足為維城之固而封建
之無益亦可睹已

北魏

〔通典〕後魏道武皇始元年始封五等至天賜元年減五等
之爵始分為四曰王公侯子除伯男之號皇子及異姓元
功上勳者封王皇族及始藩王皆降為公諸公降為侯子
亦比為差王封大郡公封小郡侯封大縣子封小縣其後
復加伯男焉

謹案魏時同姓之封自王侯以外見於史者如紇羅封
上谷公悉封襄陽公元英賜爵廣武伯陵封襄邑子卿
封廣川子比于封吉陽男之屬班班可見其封王者皆
以嫡子繼襲其封公侯者在國初則為疎遠之族其後
亦皆藩王之支庶大約與宋齊之制不殊但宋齊王子
侯皆出于展親之恩而魏時宗室五等之封多出於酬
勳之典也

北齊

〔通典〕北齊有王公侯伯子男六等之爵王位列大司馬上
非親王則在三公下封內之調盡以入臺三分食一公以
下四分食一

謹案北齊同姓之封自王以外見于史者平秦王歸彥
以功別封長樂郡公又有建國子伏護建國侯又若趙

郡王琛初封南趙郡公清河王岳初封清河郡公及廣平公盛陽州公永樂則受封皆在魏世也

後周

周書明帝本紀武成元年正月封大將軍章武孝公導子亮爲永昌公翼爲西陽公九月進封輔成公邕爲魯國公安成公憲爲齊國公秦郡公直爲衛國公正平公招爲趙國公封皇弟儉爲譙國公純爲陳國公盛爲越國公達爲代國公通爲冀國公適爲滕國公進封天水郡公廣爲蔡國公武帝本紀保定元年四月封孝閔皇帝子康爲紀國公皇子贊爲魯國公建德三年正月冊柱國齊國公憲衛國公直趙國公招譙國公儉陳國公純越國公盛代國公

達滕國公適並進爵爲王二月紀國公康畢國公賢鄆國公貞宋國公實漢國公贊秦國公贄曹國公允並進爵爲王

謹案後周初無王爵雖皇子止封公至建國三年而文帝以下諸子皆進爵爲王惟疎遠者尙爲公爵若同姓侯伯子男之封則未有見于史者宇文導初封饒陽縣伯其受封在魏世也

隋

通典隋開皇中制國王郡王國公郡公縣公侯伯子男凡九等至煬帝惟留王公侯三等餘並廢之皇伯叔昆弟皇子是爲親王

謹案隋宗室封爵等差不見于史疑亦畧如晉宋之制也

唐

〔通典〕大唐高祖初受禪廣封宗室從弟及姪年始孩童者數十人皆封爲郡王太宗卽位問侍臣曰徧封宗子于天下便乎尙書右僕射封德彝對曰不便歷覽往古封王者今日最多兩漢以降惟封帝子及親兄弟若宗室疎遠者非有大功並不得濫叨名器所以別親疎也先朝敦睦九族一切封王爵命旣崇多給力役蓋以天下爲私殊非至公馭物之道也太宗然之於是率以疎屬降爵惟有功者數人得王餘並封縣公貞觀二年十二月始議列土之制

特進魏徵議曰自隋氏亂離百殃俱起黎元塗炭十不存

一始蒙聖帝敷至仁以流元澤沐春風而沾夏雨一朝棄之爲諸侯之隸眾心未定或致逃亡其未可一也旣立諸

侯當建社廟禮樂文物儀衛左右頓闕則理必不安粗修

則事以下原闕一葉州刺史舒王元明幽州都督燕王靈夔蘇州

刺史許王元祥安州都督吳王恪相州都督魏王泰齊州

都督齊王祐益州都督蜀王愔襄州刺史蔣王暉揚州都

督越王正并州都督晉王治泰州都督紀王謹所任刺史

并功臣令世襲會長孫無忌等固辭遂廢不行

〔劉肅大唐新語〕武德中以景命維新宗室猶少至三從弟姪皆封爲王及太宗卽位問羣臣曰徧封宗子於天下便

乎封德彝曰不便歷觀往古封王當今最多兩漢以降惟封帝子及兄弟若宗室疎遠者非有大功如周之郇滕漢之賈澤並不得濫居名器所以別親疎也太宗曰朕爲百姓理天下不欲勞百姓以養己之親也于是疎屬悉降爵爲公

謹案唐初議復古封建或可或否人持一說蕭瑀直欲裂土而封李百藥則欲俟刑措之教一行登封之禮云畢然後定疆理之制議山河之賞顏師古欲分置王國不得過大間以州縣錯雜而居馬周謂宜賦以茅土疇其戶邑必有行材隨器方授皆屬調停之見惟魏徵議以爲非便其言可謂切中故節錄其文著于篇以見古法之不可泥也

〔新唐書太宗本紀〕貞觀十一年六月己未以諸王爲世封刺史十三年二月庚子停世封刺史

謹案唐太宗以諸王爲世封刺史未二年而罷則其事之難行太宗亦自知之矣至代宗時大臣奏議請封諸王分領戎帥以威天下此乃無其實而徒務其名非惟難以爲屏翰亦不足鳩厥宗矣

〔冊府元龜〕唐制皇弟兄皆封國謂之親王王之子承嫡者謂之嗣王皇太子諸子並封郡王王子承恩澤者亦封郡王諸子封郡公其嗣王郡王特進王子孫承襲者降封國公

謹案唐時宗室之封爲二等曰王曰公而王與公又各爲二等曰親王曰嗣王曰國公曰郡公詳見唐書宗室世系表茲不具論

〔玉海〕太和四年七月賜十六宅諸王綾絹二萬疋以內庫充開成二年五月壬申幸十六宅宴諸王三年四月甲午亦如之頒賜有差四年六月庚申幸十六宅宴樂賜錢

〔新唐書宗室世系表〕唐有天下三百年子孫蕃衍可謂盛矣其初皆有封爵至其世遠親盡則各隨其人賢愚遂與異姓之臣雜而仕宦至或流落於民間甚可歎也

謹案唐宗室疎遠者與異姓之臣雜而仕宦甚至流落民間皆立法未善之所致也我

朝宗室員額不與庶姓相雜其未仕者

皇上又皆特給品秩展親之典夙絕往代矣

五季

〔冊府元龜〕五代之制大抵遵於唐室

〔章如愚山堂考索〕五代宗室諸王大率不能傳世漢周則多追封

謹案五代短祚諸王率鮮傳世故王子侯亦無見於史者

宋

〔宋史職官志〕列爵九等曰王曰郡王曰國公曰郡公曰縣公曰侯曰伯曰子曰男分國三等大國二十次國二十小

〔文獻通考〕諸侯王與列侯皆以嫡子嫡孫世襲其所受之封爵苟非有罪者與無後者則爵不奪而國不除此法漢以來未之改也至唐則臣下之封公侯者始止其身而無子孫襲封者然親王則子孫襲封如故雖所謂茅土食邑多爲虛名然始所封之國與爵則父歿子繼世世相承宋皇子之爲王者封爵僅其身而子孫無問嫡庶不過承蔭入王宮爲環衛官廉車節鉞以序而遷如庶姓貴官蔭子入侍之例必須歷任年深齒德稍尊方特封以王爵而其祖父所受之爵則不襲也國朝會要載慶曆四年七月制封宗室乃以皇叔馮翊郡公德文爲東平郡王皇兄允讓

爲汝南郡王皇弟允良爲華原郡王皇姪從諤爲潁國公從煦爲安國公宗說爲祁國公昭成太子孫宗保爲建安郡王華王孫宗達爲恩平郡王邢王孫宗望爲清源郡王自燕王薨而祖宗之後無有封王爵者至濮安懿王以英宗之故安定郡王以藝祖之故方令世襲然又不以昭穆相承嫡庶爲別每嗣王歿則擇本宗直下之行尊者承襲於是濮安懿王有二十七子而得嗣封者七人四十六孫而得嗣封者亦七人蓋嗣濮王凡十四人纔更兩代耳嗣安定郡王凡二十七人纔更四代耳此例亦古所無也

〔玉海〕太平興國七年七月十三日甲午封皇子衛王廣平郡王同日拜平章事八年十月戊戌改皇子名己酉封元

佐楚元僖陳真宗韓元份龔元傑益十一月甲寅詔宰相序立在親王上以諸王年幼欲知謙損之道端拱元年二月二十三日封元偓等國公邑一千戶

謹案宋爵九等而宗室之封見於通考者有王郡王國公郡公縣公侯六等然爵不世襲恩不旁推其恩誼視前代爲尤薄其有予以世襲者則又不以子孫相承而以行尊者序繼乖倫序而亂昭穆爲自古未有之謬制也

〔玉海〕紹興二十七年正月詔侍從各舉宗室京朝官材識行治者二人特與召對

〔宋實錄〕景祐二年十一月乙未祀圓丘三聖並侑制詔宗室並轉官自諸司使以下至殿直並換西班牙官丙午宗室諸司使領刺史者十二人換諸衛大將軍領團練使諸司使十九人換諸衛大將軍內殿承制宗望已下百三十三人並爲將軍率府率副率用乙未赦書也先是宗子無遷官法及郊祀侑三聖上表乞推恩故爲此制舊自借職十遷乃至諸司副使今副率四遷卽遙領刺史八遷卽節度使熙寧二年十一月甲戌十一日中書密院議宣祖太祖太宗之子皆擇其後一人爲宗世世封公補環衛以奉祭祀祖宗祖免親將軍以下願出官者聽應舉者依外官條例非祖免親更不賜名授官從之五年九月癸丑以令鑠爲職方員外郎宗室試換文資自令鑠始

宋史職官志宗室敘遷之制太子右內率府副率轉太子右監門

率府太子右監門率府率轉右千牛衛將軍右千牛衛將軍轉右

衛大將軍右監門衛大將軍轉遙郡刺史遙郡刺史轉遙郡團練使

國公及特旨轉遙郡防禦使遙郡防禦使繼諸王後見封

即轉正刺史轉遙郡防禦使遙郡防禦使轉正團練使

刺史轉團練使團練使轉防禦使防禦使轉觀察使觀察使轉節度使

度觀察節度使節度使轉節度使節度使轉節度使節度使轉節度使

門下平章事轉節度使節度使轉節度使節度使轉節度使節度使轉節度使

使兼侍中轉節度使節度使轉節度使節度使轉節度使節度使轉節度使

謹案此宋時宗室敘遷之制頗似今宗室奉恩將軍以上以功遞加之法然宋時宗室雖王公皆以官敘遷今奉恩以上四等將軍與王公同為封爵其制又不同也

遼

遼史皇子表德祖子安天保初以功王東丹國賜號明王

皇族表遼太祖建國諸弟窺覲含容誘掖弗忍致辟古聖

人猶難之雖其度量恢廓然經國之慮遠矣終遼之世其

出於橫帳五院六院之間者大憝固有元勳實多

謹案遼時有國王郡王而又有兼封二國者如表所載

景宗子隆慶進王秦晉之類亦古所未有後世惟金海

陵父宗幹嘗封梁宋國王此外無封二國者矣

金

金史百官志金自景祖始建官屬統諸部以專征伐其官

長皆稱曰貝勒滿洲語管理眾人之稱故太祖以都貝勒

嗣位太宗以安班滿洲語安班大臣也貝勒居守安班尊

大之稱其次曰固倫滿洲語國也原呼嚕滿洲語手背也

正貝勒固倫言貴呼嚕言總帥也又有固倫貝勒或左右

置所謂國相也其次諸貝勒之上則有英實滿洲語宴也

改呼嚕伊喇滿洲語黍也原愛滿滿洲語部落也原

正呼嚕伊喇作移賚今改正烏達滿洲語買也原之號以為陞拜宗室

功臣之序

謹案金太祖太宗之世諸子弟未有封王者熙宗天會

十三年始封宗翰為晉王宗磐為宋王蓋宗翰功最高

而宗磐為太宗適子太宗舍之而立熙宗故首封之其

初親子弟多為貝勒此即今貝勒之號所自昉宗翰由

固倫右貝勒為太保領三省事封晉王是王尊於貝勒

正與今位次相合而貝勒有安班固倫愛實之號等級

不同亦與今貝勒貝子等級相似又金自天眷以後宗

室封爵見於表者有國王郡王公三等至奉國上將軍

鎮國上將軍輔國上將軍皆從三品武散官與今鎮國

輔國奉國三等將軍專為宗室封爵者不同然當時亦

以敘遷宗室明時宗室三等將軍其爵號實昉於此云

元

元史諸王表元興宗室諸王位號無稱惟視印章以為輕

重厥後遂有國邑之名而賜印之等猶前日也

王圻續文獻通考元制封一字王者按阿穆爾克為魏王之類金印獸

鈕兩字王者按托歡爲鎮南王之類金印螭鈕次有金印駝鈕金渡銀印駝鈕金渡銀印龜鈕有止用銀印龜鈕等級不同如此又同姓有無爵邑而稱王者但曰宗王

謹案元時諸王各有分地歲使人至京師受歲賜其王爵既得傳世相襲而諸王之支庶亦多封爲王者但元史疎畧其制度不可詳考耳

明

〔明史諸王列傳〕明制皇子封親王制授金冊金寶祿歲萬石府置官屬護衛公侯大臣無敢鈞禮親王嫡長子年及十歲則授金冊金寶立爲王世子長孫立爲世孫冠服視一品諸子年十歲則授塗金銀冊銀寶封爲郡王嫡長子

爲郡王世子嫡長孫則授長孫冠服視二品諸子授鎮國將軍孫輔國將軍曾孫奉國將軍四世孫鎮國中尉五世孫輔國中尉六世以下皆奉國中尉其生也請名其長也請婚祿之終身喪葬子費親親之誼篤矣

〔明會典〕親王分封其推恩則有郡王鎮國將軍輔國將軍奉國將軍中尉之差等萬曆七年定例親王之子例封郡王若以支屬嗣者自後長子襲封親王外餘子仍照原封世次授以本等爵級不得冒濫郡王爵郡王無子兄弟及兄弟之子不得請襲違者爲冒封

謹案明太祖募古封建之制擇名城大都以王諸子若秦西安晉太原燕北平皆臨要衝之地環邊萬里而於

三陲自以爲磐石之安矣然一傳而靖難兵起遂至奪宗自是以後過爲防維諸王就國郡邑吏得持其短長至其宗支繁衍歲祿猥多竭天下之賦不足以供過時不給以致宗人聚謀焚署毆官諸宗命名請婚胥吏得以邀索貧者無以應則沈摺不行婚嫁失時愁怨載道又多取隱僻不祥之字爲之制名以寓姍笑禮部明知其然而無策以除其弊明政之不綱於此可見矣我

國家敦睦宗親

恩明誼美諸王之銘勳王室者皆延世無窮以恩澤啟封者則以次降襲用以辨等差而昭獎勵至閑散宗室月有贍養之銀歲有祿米之給婚喪嫁娶特加

恩賜我

皇上篤念宗親凡貝勒以下之降襲者皆設爲定制令得常

保世封又

念睿忠親王有贊翊之功

特命配享

廟庭追謚續封而豫親王肅親王鄭親王克勤郡王子孫亦皆復其原封之號以彰舊烈其果親王等之以罪廢者亦並復其屬籍

恩意尤爲優渎近復定親王之子給以一品章服郡王貝勒以下以次遞推又

詔普給宗室冠帶優加職級新正

